

**Regulativ d'agricultura e
da pasculaziun
dalla vischnaunca da Vrin**



Cuntegn

A. DETERMINAZIUNS GENERALAS	3
Validiad	3
Intent	3
Survigilonza ed administraziun	3
B. ALPS	3
Affittaziun	3
Manteniment objects	3
Manteniment pastiras	3
Manteniment vias e trutgs	3
Tscheins	3
Taxas	3
Cadavers	4
C. PASCULAZIUN	4
I. Pastiras da casa	4
Proprietad	4
Domicil dils purs	4
Diever	4
Repartiziun	4
Pasculaziun	4
Pastur	4
Schurmetg uaul	4
Neivs	5
Taxas	5
Contracts	5
Contribuziuns	5
II. Pasculaziun cumina	5
Decisiun	5
Cuoz	5
Maner ora	5
Pors e gaglinas	5
Scamond	5
Taxas	5
D. UORDEN DA FLUR	5
Vias da funs, traversadas	5
Midadas da muvels	6
Claus	6
Seivs	6
Fenar	6
Grascha, puschina	6
Schuar funs	6
Taxas	6
E. DISPOSIZIUNS SUPPLEMENTARAS	6
Fenar dumengias e firaus	6
Ventilaziuns da fein	7
Tgauns	7
F. DISPOSIZIUNS FINALAS	7
Cuntravenziuns	7
Mieds legals	7
Entrada en vigur	7

Sin fundament d'art. 60 dalla constituziun communal relai la vischnaunca da Vrin il suandont regulativ.

A. DETERMINAZIUNS GENERALAS

Art. 1

Il regulativ d'agricultura e pasculaziun regla tuts fatgs agricols ord vesta communal, en special la gudida e la tgira dallas alps, pastiras e la pasculaziun cumina. El cumpletescha las concernentas prescripziuns federalas e cantunalas.

Validitad

Art. 2

Il regulativ vul promover ils interess dall'agricultura e gidar a mantener bunas e fermas existenzas purilas sco era garantir ina gudida raschuneivla dallas alps, pastiras e dalla pasculaziun cumina.

Intent

Art. 3

Il diever dallas alps e pastiras da casa stat sut survegionza ed administraziun dil cussegl communal. Il cussegl communal procura che las pastiras vegnien nezegiadas e cultivadas adequatamein. Persuna da contact ei il cau dil departament d'agricultura.

Survegionza ed administraziun

B. ALPS

Art. 4

La vischnaunca da Vrin affittescha sias alps cun l'infrastructura necessaria. L'affitaziun vegn reglada en in contract.

Affitaziun

Las suandontas alps vegnan affittadas:

- o Bargianicla/Valeglia/Patnaul
- o Parvalsauns/Salischina
- o Ramosa
- o Dado/Cuolm

Art. 5

Il fittader procura per il manteniment ordinari dils stabiliments ed indrezs. Leutier auda igl exequir pintgas lavurs da reparaturas. Per reparaturas pli grondas ei la vischnaunca responsabla. Donns caschunai entras negligientscha ni cuolpa dil fittader, ha quel da sorprendar.

Manteniment objects

Art. 6

Las pastiras ston vegnir cultivadas e pasculadas a moda adequata, aschia ch'ellas adempleschan las pretensiuns stipuladas el plan da cultivaziun.

Manteniment pastiras

Art. 7

Il manteniment regular dallas vias d'alp ei caussa da vischnaunca. Vias e trutgs che surveschan sulettamein alla pasculaziun enteifer las alps ei caussa dil fittader.

Manteniment vias e trutgs

Art. 8

¹ Il tscheins per l'affitaziun dallas alps consista ord ina summa fixa che vegn fixada dil cussegl communal e da taxas da pasculaziun.

Tscheins
Taxas

² Las taxas da pasculaziun vegnan fixadas en las determinaziuns executivas tier quest regulativ e san vegnir adattadas entras il cussegl communal. Las taxas da pasculaziun vegnan screttas dabiens allas reservas dallas alps.

Art. 9

Cadavers La dismessa da cadavers sedrezza tenor las prescripziuns d'alpegiaziun. Cuosts supplementars per transports e lavurs vegnan adossai al possessur digl animal.

C. PASCULAZIUN

I. Pastiras da casa

Art. 10

Proprietad Las pastiras da Vardons/Sum Ruina/La Val, Plaun Mulin, La Resgia/Cuolm-Sut, Sut Quadras/Cavona, Tgiern, Palius/Las Tegias/La Schetga, Parvalsauns/Il Bots/Sut Crap/Sut il Conn, Pignola, Il Claus, Madès/Naun, vegnan definadas sco pastiras da casa ed ein proprietad dalla vischnaunca da Vrin. Las pastiras ein nudadas sin in plan corrispundent che vegn approbaus ensemen cun quest regulativ.

Art. 11

Domicil dils purs Las pastiras stattan en emprema lingia a disposiziun a purs domiciliari a Vrin. La pasculaziun per purs d'ordeifer ei pusseivla, aschilunsch ch'in surdiever succeda buc.

Art. 12

Diever ¹Las pastiras vegnan nezegiadas la primavera ed igl atun. Sin damonda giustificada sa il cussegl communal lubir il diever dallas pastiras durant il temps da stad. Plinavon sa el dar la lubientscha da nezegiar las pastiras da casa durant in temps limitau. Il detagls vegnan fixai en in contract d'affittaziun.

² Per animals malsaus che ston bandunar l'alp drova ei negina lubientscha.

Art. 13

Repartiziun La repartiziun dallas pastiras succeda en las determinaziuns executivas tier quest regulativ e sa vegnir adattada tenor basegns entras il cussegl communal. Midadas marcantas han da succeder en discussiun cun il purs.

Art. 14

Pasculaziun ¹ La pasculaziun sin las pastiras entscheiva il 20 da matg per la biestga bovina. Il termin per il tiers manedels e per tuts auters animals pasculonts fixescha mintgamai la societad pertuccada ni il fittader dalla pastira.

² Igl atun san las pastiras vegnir nezegiadas cul gi dalla scargada. Las cauras ein da tener sin las alps e pradas entochen l'entschatta dalla pasculaziun cumina.

Art. 15

Pastur Tuts animals che fan diever dallas pastiras da casa ston vegnir teni sut pastur ni en seiv. Il cuosts per ereger e disfar las seivs han il gudider da sorprendere.

Art. 16

Schurmetg uaul Leu nua che pastiras ein circumdadas d'uauls, sto igl uaul vegnir schurmegiaus tenor las ordinaziuns forestalas. Ein seivs necessarias, ston quellas vegnir erigidas e disfatgas entras il gudider senza indemnizaziun entras la vischnaunca.

Art. 17

En cass da neivs duront la stad, astgan las pastiras da casa vegnir duvradas sco uestonza entochen ch'igl ei puspei pusseivel da guder las alps.

Neivs

Art. 18

Il cussegl communal fixescha las taxas per il diever dallas pastiras da casa en las determinaziuns executivas tier quest regulativ e decida sur d'eventuals contracts d'affittaziun.

Taxas
Contracts

Art. 19

¹ Las contribuziuns cantunales per las pastiras sedrezzan tenor la decisiun digl uffeci d'agricultura cantunal. Leu nua che societads existan, vegnan las contribuziuns pagadas directamein a quellas. La repartiziun dallas ulteriuras pastiras succeda als gudiders entras l'administraziun communal.

Contribuziuns

² Ils cuosts d'administraziun per la repartiziun vegnan deduci dils pagaments en procents tenor lavur impundida. La summa da reduenziun astga buca survargar 20% dallas contribuziuns.

II. Pasculaziun cumina

Art. 20

Il dretg da pasculaziun cumina stat en survegionza ed administraziun dil cussegl communal. Sur da midadas ni dall'abolaziun dalla pasculaziun cumina decida la radunonza communal.

Decisiun

Art. 21

¹ La primavera vegn la pasculaziun cumina serrada cun ils 5 da matg. Croda quei datum sin ina dumengia, vegn il datum prolunghius per in gi. Avon quei termin astgan neginas parcelas da pasculaziun vegnir claussas ora.

Cuoz

² Igl atun entscheiva la pasculaziun cumina ils 25 d'october. Tgi che vul sa era tener suenter quei datum siu muvel en seiv.

Art. 22

Biestga bovina astga maner ora sulettamein sin agen territori.

Maner ora

Art. 23

Pors e gaglinas han buca il dretg da pasculaziun cumina.

Pors e gaglinas

Art. 24

Mintga possessur d'animals pasculonts ei obligaus da tener quels ordeifer il territori ch'ei habitaus permanentamein.

Scamond

Art. 25

La pasculaziun cumina ei libra da taxas.

Taxas

D. UORDEN DA FLUR

Art. 26

Per cultivar il funs e fenar ein las vias da funs da duvrrar. Parcelas privatas astgan vegnir traversadas mo cun dretg da passadi ni en entelgientscha cul proprietari.

Vias da funs,
traversadas

Art. 27

Midadas da muvels

Tier midadas dil liug da muvels ein las vias ch'ein il pli datier da duvrar. Ils praus cunfinonts ein da schurmegiar. Vegnan donns caschunai, stat il caschunader buns persuenter.

Art. 28

Claus

Praus semnai en astgan vegnir claus ora durant dus onns. Plazs per tratga d'animals el liber controllada (KF), permanentamein.

Art. 29

Seivs

¹ Seivs cun spinas da fildirom ein scumandadas.

² Tier seivs da reits da plastic, ei mintga possessur obligaus da disfar quellas suenter il diever. Durant il temps che las seivs ein tschentadas si, ein quellas da metter sut electricitad, per prevegnir a cavistrens d'animals ordeifer la seiv.

³ Seivs stablas da fildirom astgan buca engreviar la cultivaziun dalla parcella vischinonta. Las seivs ch'ein pli aultas che 1 m ston vegnir aviartas sin duas varts per possibilitar il passadi alla selvaschina.

⁴ Tuts materials da seivs disfatgas ein da rimnar e dismetter adequatamein.

Art. 30

Fenar

Per fenar parcelas privatas existan neginas limitas. Tgi che vul fenar sin pastiras da vischnaunca, drova ina lubientscha dil cussegl communal.

Art. 31

Grascha, puschina

¹ Cultems sin las pastiras ston secumportar cun il plan da cultivaziun digl uffeci d'agricultura cantunal. Sigl agen funs existan neginas limitas.

² Sin igl ulteriur territori communal basegna ei ina lubientscha dil cussegl communal.

³ Cultems artificials astgan vegnir duvrai mo durant il temps che la pasculaziun cumina ei serrada.

⁴ Las leschas surordinadas digl uffeci d'agricultura ed ambient ein d'observar.

Art. 32

Schuar funs

¹ Per schuar funs drova ei ina lubientscha dil cussegl communal. Retratgas d'aua ord flums e dutgs basegnan plinavon ina lubientscha dil uffeci digl ambient cantunal.

Taxas

² Il consum d'aua per schuar funs ei suttamess ad ina taxa. La taxa vegn fixada dil cussegl communal tenor quantum e cuoz.

E. DISPOSIZIUNS SUPPLEMENTARAS

Art. 33

Fenar dumengias e firaus

¹ Aschilunsch ch'igl ei da prever schliatt'aura, cun consequenza ch'il fretg pitescha donn ni vegn svaletaus cun schar el a tiara tochen il proxim luverdi, ei lubiu da tarschinar e raccoltar il fein dumengias e firaus suenter las funcziuns ecclesiasticas.

² Igl emprem d'uost ei lubiu da tarschinar e raccoltar il fein.

³ Dumengia da Carmel e Rogaziun federala ei scumandau da fenar.

⁴ Lavurs agricolas cun maschinas per tiarzas personas cun intent commercial ein scumandadas dumengias e firaus.

Art. 34

Suflafeins e ventilaziuns ston vegnir installai tenor las prescripziuns cantunales davart segirtad e disturbi. Ils apparats ston vegnir sclaus la sera allas 22.00 uras ed astgan buca vegnir mess en funcziun la damaun avon las 06.00 uras.

Ventilaziuns
da fein

Art. 35

Igl ei scumandau da schar ir tgauns senza survegionza libramein per la cultira entuorn. Mintga possessur ei responsabels per siu tgaun. Periclitescha in tgaun persunas ni animals, ei il tgaun da tener vid la corda.

Tgauns

F. DISPOSIZIUNS FINALAS

Art. 36

Tgi che cunterfa a quest regulativ vegn punius dil cussegl communal cun ina multa da frs. 50 - 1'000. Il culpont ha plinavon da surprender ils cuosts che sedattan ordlunder e star buns per donns caschunai.

Cuntraven-
ziuns

Art. 37

Encunter decisiuns dil cussegl communal sa vegnir recurriu enteifer 30 gis tier la dertgira administrativa dil cantun Grischun. Encunter disposiziuns da puniziun sa vegnir inoltrau protesta enteifer 10 gis alla cumissiun da gestiun communal.

Mieds legals

Art. 38

Quest regulativ entra en vigur cun l'approbaziun entras la radunonza communal diils 12-12-2008. El abroghescha tuttas prescripziuns anteriuras e cuntradictorias che pertuccan l'agricultura e la pasculaziun.

Entrada en vigur


Per la vischnaunca da Vrin

Il president:



Silvio Caviezel

L'actuara:



Martina Caviezel-Caminada

Determinaziuns executivas

tier il regulativ d'agricultura e da pasculaziun dalla vischnaunca da Vrin

I. Pastiras da casa

Repartiziun

- ¹ Biestga bovina: Vardons Sum Ruina La Val, Plaun-Mulin, La Resgia Cuolm-Sut, Palius Las Tegias La Schetga, Parvalsauns Ils Bots Sut Crap Sut il Conn, Pignola
- ² Tschancs: Sut Quadras Cavona, Tgiern, Madès Naun
- ³ Cauras: La Schetga, Ils Claus
- ⁴ Auters animals: Tenor basegns

Excepziuns

Ils animals che vegnan cargai sin l'alp da stiarls a Ramosa astgan far diever dalla pastira da Parvalsauns Ils Bots Sut Crap Sut il Conn e Pignola durant ils emprems 15 gis suenter la cargada. Suenter ston els vegnir teni sin territori dall'alp entochen tier la scargada.

II. Taxas da pasculaziun

Alps

Il diember d'animals sedrezza tenor las annunzias per contribuziuns d'alpegiaziun. Las taxas vegnan tschentadas a quen ensemen cun il tscheins per l'alp. La taxa per animal cumporta per igl entir temps d'alpegiaziun:

frs.	10.00	per vaccas
	8.00	per stiarls 1-3 onns
	3.00	per vadials
	3.00	per cauras
	1.00	per nuorsas

Pastiras da casa

Il diember d'animals sedrezza tenor las annunzias per contribuziuns per pastiras comunablas. Las taxas per la biestga bovina vegnan deducidas dallas contribuziuns per pastiras comunablas. Las taxas per ils ulteriurs animals vegnan tschentadas a quen alla societad ni al gudider. La taxa per animal cumporta per igl entir temps da pasculaziun dallas pastiras:

frs.	5.00	per biestga armentiva
	2.00	per nuorsas
	2.00	per cauras

III. Tscheins


Alps


frs.	2000.00	Bargianicla/Valeglia/Patnaul
	2400.00	Parvalsauns/Salischina
	9000.00	Ramosa
	3000.00	Dado/Cuolm

Approbau dil cussegl communal Vrin ils 19-11-2012.


Il president:

L'actuara:





Plan pastiras da casa



Cuolm-Sut

Il Sogn /
La Resgia

Plaun Mulin

Madès / Naun

Tgiern

Cavona / Sut Quadras

Parvalsauns / Ils Bots / Sut Crap /
Sut il Conn / Pignola

Ils Claus

La Schetga / Las Tegias / Palius

Tgietschen: cauras
Brin: nuorsas
Verd: biestga bovina



Viu, 12.12.2008

Handwritten signature and initials.